

西山許真君八十五化錄卷下 虞西

西山真悟真人施本編
神烈化

吳君名猛字世雲濮陽人仕吳為西安令因家焉性至孝齟亂時夏月手不驅蚊懼其去已而嗷親也年四十得至人丁義神方繼師南海太守鮑靚復得秘法吳黃龍中天降白雲符授之遂以道術大行於吳晉之間晉武帝時相師從世雲傳法世雲盡以秘要授之永嘉末杜獲寇蜀攻陷州縣祖師既誅大蛇世雲曰蛇是蜀精蛇死則杜獲滅矣卒如其言嘗見暴風大發書符擲屋上有青鳥嚙去風即隨止或問其故答曰南湖有舟遇此風中有二道士呼天求救故以此止之驗之果然西安令千慶死已三日世雲曰令長數未盡當為訟之于天遂卧於屍傍數日與千慶俱起慶弟著作郎寶感其異遂作搜神記行於世雲渡豫章江值風濤乏舟世雲以所執白羽扇畫水而渡觀者駭異寧康二年祖師上昇世雲復還西安是年十月十五日上帝

命真人周廣捧詔召世雲遂乘白鹿車與弟子四人白晝冲昇宅號紫雲府今分寧縣吳仙村西平晴吳仙觀是也政和二年五月准詔封神烈真人

詩曰
西安縣令氣雄豪 孝道雙全法術高
青鳥嚙符回暴颶 白江路扇渡洪濤
追魂復體生千慶 躡跡誅蛇滅杜獲
立就玄功丹詔至 鹿車穩駕上天曹

蜀川陳敷字孝舉乃世族儒生博學洽聞時魏遣鍾會鄧艾伐蜀劉禪降孝舉時尚少已有出塵之志入青城山師谷元子求度世之法繼聞祖師在旌陽仁政及民走謁公庭願充書吏祖師嘉之付以吏職凡表率輩流設化民俗撫字之術裨益為多遂引為門弟子而託以腹心典司經籍守視藥鑪祖師冲蕭令執策導前馬昔玉隆宮西廡有孝舉道院號承仙府手植巨栢一株其院面栢而居政和二年五月准

正特化

詔封正特真人
詩曰
時當世亂執崇儒 獨入青城訪道樞
嚮服祖師行善政 乞為徒弟樂奔趨
腹心可託司經籍 志力無虧視藥鑪
執策導羣舉後 蒼蒼巨栢蔭層廡

元通化

廬陵周廣字惠常大將軍瑜之後少好天文音律之學長通無為清靜之教嘗與同志遊蜀雲臺山得漢天師驅剪精邪之法救民疾苦聞祖師在旌陽運詣公庭願備下執祖師納之今供侍杖屨夙夜惟勤遵行道法始終不怠還居私第左右無違乃就宅西百餘步間築室以居祖師飛舉惠常與曾興國同驂龍車宅號宣詔府唐保大中州牧周令公紹真人為祖修營其宅改曰宣詔府有碑刻尚存今日太虛觀是也政和二年五月准詔封元通真人
詩曰
將家俊裔蘊才良 博學多聞喜老莊

法壇張君參正一 道求許宰揭旌陽
侍供杖屨心無怠 音聽琳琅志愈強
及至祖師昇舉日 同驂鸞馭赴仙鄉

神惠化

泗水曾亨字與國參之後也少為道士天姿
明敏博學多能修三天法師之教逆知來物
名山列嶽有路必通妙訣靈符無治不愈神
人孫登見之曰子骨秀神清砥礪精勤必作
霄外人矣子勉之後隱居豫章之豐城聞祖
師道舉投謁門下願侍巾几祖師器重之
神方秘訣無不秘傳後驟龍車昇天今豐城
縣真陽觀是其遺迹政和二年五月准
誥封神惠真人

詩曰

骨秀神清霄外人 精勤砥礪證高真
名山列嶽皆通路 妙訣靈符普濟民
師得仙君親教育 道躋聖域際經綸
慇懃立就玄功大 駕鶴駘龍出世塵
洪施化
鉅鹿時荷字道陽乃黃冠上士少修道德之

教入四明山遇神人教以胎息象妙之術用
能却寐絕粒役使鬼神驅除邪魅點化金玉
調濟窮苦民受其賜聲聞遠邇惠懷之世聞
祖師道法盛行江左徒步踵門願充弟子祖
師納之授以妙訣復遺還山教導徒眾明帝

詩曰

詔赴闕師問之堅不願留竟歸依樓祖師侍
側寧康二年與陳孝舉執策導從昇天有遺
迹在豫章城號紫蓋府今南昌縣廳是也東
海秋陽縣奉仙觀乃其舊隱政和二年五月
准 誥封洪施真人

詩曰

四明昔日遇神人 授以玄機要妙因
驅役鬼神與便利 點成金玉濟飢貧
一時帝寵難難得 千載師恩不易親
歸隱西山頻侍誨 獲駘龍馭離埃塵

精行化

豐城甘戰字伯武草澤布衣以孝行見推於
鄉黨遭時亂離晦迹草澤喜神仙久視之術
聞祖師行孝道法除害利物遂造問難請願
備驅役祖師異其材器可其所請至祖師上

昇復付以金丹妙訣伯武後歸豐城布德行
惠至大建元年正月七日亭午天詔下乃駕
麟車乘雲而去今縣中清都觀乃昔燕丹之
地其故宅號奉陽亭有飛簣觀為之奉祀政
和二年五月准 誥封精行真人

詩曰

晉室當時正亂離 隱身草澤自栖遲
身行孝道推鄉黨 性樂神仙遇祖師
誅戮蟒蛇平巨害 斷除蛟蜃絕群孽
功成獨駕麟車去 壇井遺蹤在劍池

勇悟化

沛郡施本字太玉鄉閭壯士祖朝仕吳因徙
居九江赤烏縣太玉狀貌雄傑勇捷多力弓
劍絕倫祖師初領徒眾誅海昏大蛇會鄉壯
三百餘人來助力大玉預焉致恭懇乞願充
役者祖師納之與甘伯武常執劍侍左右寧
康二年十一月二十八日晨起見東方日中
有一童子乘綠雲執素策驅蒼龍降其所居
宣玉帝詔遂御蒼龍乘雲而去祖師宅東南
二里間有壇曰紫玉府即其所棲之地西嶺

鎮江千石上有觀今額至德為太玉眺臺南
昌之地亦有之皆所以眺望水妖也政和二
年五月准 誥封普悟真人

詩曰

撫劍從師初鉅勳 斬蛇誅屠獨超群
少年孤矢競威武 壯歲詞章頗廣文
身脫貔貅思晉道 手持龍虎懶朝君
自從清蕩江西境 執策乘虬馭綠雲

普惠化

蘭陵彭抗字武陽以懿戚父處師門舉孝廉
仕晉累遷尚書左丞密修仙業以疾辭朝師
事祖師仍納愛女為祖母子婦善以彭女為
夫人非也故老稱為子婦是矣祖師懷帝永
嘉未化炭婦誅蛇而彭君在許其年已七十
六七矣豈復親匹偶乎亦屢問祖師夫人周
氏今者孝道猶有周氏史答時母問一篇絕
妙歎是夫人謀稱故曰女史新編稱聖母
非也祖師念其恪誠應諾秘要纖悉付之速
遣還朝至穆帝永和二年致政南遊望家居
穆章城中再詣門下朝夕扣問道業精進求

高祖永初二年職才兼作兼崇二年八月二
十四日舉家二十六口白日昇天郡城有宗
年亂政和二年五月准 誥封普惠真人

詩曰

棄卻禁官更學仙 掛冠解屐便歸田
挈家匪欲叨華樾 問道惟期際本淵
遺女與師供洒掃 投身為弟愈精專
潛修玄業勳成就 舉室飛昇上九天

和靜化

南昌旰旰字道微以懿戚父處師門少孤事
母以孝聞母蓋祖師之姊也祖師凡二姊旰
母為之孟道愛錄云南昌旰旰列鍾離君嘉
皆許君之甥則旰旰為祖師姊信矣祖師為
其孀居乃築室於宅西數十步間俾居之故
母子日聞道妙祖師每出則旰旰代掌其家
事仙賓隱密咸復見之明天師石龜詞曰吾
昔嘗到此則客於旰旰母子並受玉皇詔部
分仙眷昇天今墻西道院乃其舊居號合儀
府政和二年五月准 誥封和靜真人

詩曰

母慈子孝兩相因 同志修行合至真
蕙室風和延隱客 萱堂畫象欵仙賓
時聞道妙因師教 日聽師音與道親
丹詔委令專部分 同驂仙駕離埃塵

普惠化

南昌鍾離嘉字公陽以懿戚父處師門祖師
仲姊之子少喪父母植性簡淡祖師嘗歎其
有受道之姿乃授之神方能拯救付之妙訣
能役逐祖師昇天首以金丹之賜是年十月
十五日日中碧霞寶車自天來迎公陽拜詔
昇車而去新建象牙山西源是其所也
有觀曰丹陵石藥曰尚存號鍾玉府政和二年五
月准 誥封普惠真人

詩曰

孑然身似野雲翔 植性孤高智識長
役使萬神存妙訣 醫治百病得神方
雅姿可與登仙道 篤志誠宜授洞章
師賜金丹先服餌 碧霞寶輦送公陽

冲道化

建城黃仁覽以懿戚父處師門字紫庭父輔

字萬石舉孝廉仕至御史紫庭神彩英秀局量捷速祖師以子妻之盡得祖師之道任青州從事單騎之官留妻侍父母然每夜輒歸人莫得知一夕家僮報許氏院中夜聞語笑聲姑訊之許氏黃郎爾姑曰吾子從事數千里安得至此許氏曰彼已得仙道得頃刻千里或在滿語故不敢令姑知姑曰若然當使我見之是夕紫庭歸許氏告以故此明紫庭不得已出謁父母曰仁覽雖從宦遠鄉夜必潛歸膝下仙道秘密不可泄言恐招譴累言訖取竹杖化為青龍乘之而去故萬石亦知仙道之足慕執弟子禮以事祖師惟紫庭二弟勇健不檢日事遊畋雖父兄奉詔飛昇而二人尚在獵所自言受性縱逸不堪作仙任兄舉族飛騰容我二弟捕鹿紫庭歎其賦分復折華化鹿止其妄心遂與父母三十二口乘雲而東從祖師仙駕昇天二弟後隱于西山今方尚廟俗呼黃四郎五郎是也瑞州高安縣祥符觀舊日析仙觀是其故居傍有許氏隆叙洲政和二年五月准 誥封冲道真

人仁覽父輔亦求為祖師弟子祖師以其懿戚待以容禮故不與十一人之數諸弟子受法皆許傳族壇靖各立府亭之名其教曰大儀曰南小儀曰平乃行道法以人數多少名之

詩曰

紫庭英秀勝潘安 綠線曾牽許跨鞍
竹杖成龍通聖化 草枝變鹿戒貪殘
弟兄性異難同被 父子心齊盡得丹
天詔祖師當拔宅 舉家仙眷亦騷騫

蘭公化

昔有異人姓蘭名期莫敢呼其名稱之曰蘭公初居于兗州曲阜縣高平鄉九原里其家百餘口精修孝行致斗中真人下降其家自稱孝悌王諱弘康字伯中語蘭公曰始為大道於日中為孝道仙王元炁為至道於月中為孝道明王玄炁為孝道於斗中為孝道悌王夫孝至於天日月為之明孝至於地萬物為之生孝至於民王道為之成吾於上清以下託化人間示陳孝悌之教復昔代當有

具仙許遜傳吾孝道之宗是為衆仙之長因付蘭公秘旨及金丹寶經銅符鐵券令傳授丹陽黃堂女真誦經且戒之曰將來有學者許遜汝當以此授之孝悌王遂將蘭公遊於郊野道傍忽見有三古塚指以示蘭公曰此是汝三生解化之迹第一塚乃昔屍解所遺仙衣而已第二塚乃太陰鍊形形體已就今當起矣第三塚藏蛻骨爾宜移塚傍之路勿令人物踐履也孝悌王言訖昇天蘭公乃榜示行人斷其舊路人謂其妖妄擅移路遲執以詣官官吏拘公而執其驗公具以前事對官吏云必若妄言將加誅公曰吾言得之孝悌王安得妄官吏遂引蘭公與地分對開其塚其第一塚果有黃衣一領其第二塚見一人童顏弱質如睡初覺之狀第三塚見連環骨一具眾咸驚歎吏乃持仙衣還獻府君府君著衣不能勝還與蘭公公服之即同塚中仙人合為一體鍊身輕舉官吏悔謝虔懇拜問何時再降人聞蘭公俯語之曰我自此或十日或百日一降施行孝道以濟途途其後

吳都有十五歲童丹陽三歲靈童並是其仙之化身也將弘孝道之教以接合仙之士焉

詩曰

學道還須孝行充 自然孝道感玄宵
若非一語開三塚 曠識三生守一功

聖教先期謚姆授 真仙後有許君崇

蘭公敬信天真訓 混合形神入太空

謚姆化

謚姆者不知何許人也其字曰嬰官居金陵丹陽郡之黃堂潛修至道忘其甲子者老累世見之齒髮不表容貌常少皆以謚姆呼之謂其可為人師也吳大帝時行丹陽市中忽遇一男子年可十四五扣頭拜願為義子謚姆告曰汝既長成須侍養所生何得背其已親而事吾為母既非其類不合大道於是童子跪謝而去又經旬日復過市中忽見孩兒年可三歲悲啼呼叫莫知誰氏之子因遇謚姆執水不捨告云我母何來唯願哀憫謚姆憐其無告遂收歸撫育漸向長成侍供甘旨晨昏不虧心與道合行通神明聰慧過人

搏通經教天文地理百氏九流窮幽極玄探微索奧年將弱冠姆謂之曰我修奉正道其來已久汝以吾撫育暫此相因汝既無天將何以為姓氏兒曰昔蒙天真授以靈章約為孝道明王請以此為名號可乎姆曰既天真

付授吾何敢違復議求婚兒跪母前說讚曰

我非世間人 上界真高仙 今與姆作兒

乃是夙昔緣 因得行孝道 度脫諸神仙

向前十五童 亦是我化身 今已道悉圓

我將返吾真 真凡自殊趣 何為議婚姻

查於黃堂壇 傳教付至人 毋既施正教

三清棲我神

謚姆聞讚驚畏異常遂於黃堂建立壇靖嚴

奉香火闡孝道明王之教明王告姆修真之

訣曰每須高處玄壇球絕異黨踰閣立阜餌

服陽和委鑒太虛靜夷玄圃若非無英寶帙

黃老玉書太洞真經露落七元大上隱玄之

道不可偃息一作於流霞之車一作眷時乎

文昌之台也得此道者九鳳齊鳴萬靈羣止

鍊身御節八景浮空龍與虎旂遊翔八方矣

每宜寶之於是盡付妙訣兼授靈章已而辭毋飛騰太空謚姆受託寶而秘之積數十年人無知者至西晉之末許君遜其君猛聞姆有道遠詣丹陽求授道法姆知其名在國籍應為神仙於是授以孝道明王之教真仙飛

舉之宗及正一斬邪三五飛步之術仍以蘭

公所授孝悌王銅符鐵券金丹寶經一遵元

戒傳付許君仍語二君玉皇元譜仙籍品秩

乃令許君以通次授吳君二君禮謝將辭歸

許君欲每歲來禮謁姆姆曰止之子勿來吾

即還帝鄉矣乃取香茅一根南望擲之茅隨

風飛去因謂曰子歸於所居之南數十里認

茅落處立吾祠歲秋一至足矣語訖忽有雲

龍之駕來迎凌空而去今新建豐城二縣之

界有黃堂觀乃祖師做丹陽黃堂壇所立祠

每年八月三日朝謁謚姆之所也

詩曰

苦志修行隱市廛 不知在世幾何年

深明至道通玄妙 洞合虛无契上仙

育養童兒慈念重 監臨老姆聖功全

侯將法寶傳吳許 獨駕靈龍入碧天

金公化

地主金公世忘其名或云名實行第七世居豫章之西山金由以進粟補官朴直公正鄉閭所推服祖師與郭璞擇地至其所居璞曰僕相地多矣未見有若此者如求富貴則必有起歇如欲棲隱大合仙格其崗阜圓厚位坐深運三峯几立回環雲拱內外勾鎖无不合宜大凡相地兼相其人觀君表裏正與地符乃與祖師同謁公欣然出迎權如平生璞曰公曰許君欲置一舍為修鍊之地故同璞上謁公曰竊觀許君仙風道骨非塵埃中人第恐此地不足以處君耳君誠有意當併置莊產以為薪水之資許君曰雖蒙傾蓋然受之無名願聞所需多寡惟命公曰君子一言道合身命猶以許人况外物乎老夫拙直平生無用文券乃取一大錢中破之自收其半以半授祖師曰以此為券明日遂挈家居西林之廬舍至卒老馬玉隆官有神曰西林地主顯忠真官即公是也宋真宗皇帝嘗遣中

使奉香燭花菓於祖師中使至溪橋公朱衣靴幘逐之中使不知其神也至館問曰適橋畔有官人相逐者誰也公安在左右曰無之中使曰衣朱衣狀貌肥而短者眾咸謂無其人翌無中使登殿致獻訖過地主堂視之驚曰昨日所見者即此神也炷香設禮敬歎其靈歸而奏之即有旨免本觀支移折變蓋緣於此公之神愈益靈邇來報應尤彰未易殫舉遐邇所共知嘉泰四年賜廟額曰昭應嘉定三年詔封靈助侯

詩曰

靈助金侯古朴人 祖師傾蓋契如親
明君豈慮難求地 義士猶能弗顧身
便肯摩錢為設誓 何勞書券更酬緡
舉家挈往西林去 廟食吾山證土神

許大化

許大祖師之役夫也祖師上昇之日適與其妻運米出市今西聞祖師昇天夫婦推覆米車奔馳而歸至則仙仗已興夫妻撫膺哀號乞從行祖師告以善功未備不應飛昇乃授

以地仙之術夫妻俱隱於西山其覆車之米在地復生今地名翻車生米市即天所也既隱不欲人識改姓名曰千又為所知復改曰千夫婦各有詩留於世千君詩曰自從明府昇天後出入塵寰直至今不是藏名混世俗賣柴沽酒費忘心其妻詩曰醉舞任歌路落花綠羅裙帶有丹砂往來城市賣生藥穠箇西山是我家又詩曰出入仙鄉不記春豈知塵世有寒溫兒家只在西山裏除却白雲誰到門因千君出遊經時不歸獨步醜壇有感而作昨日因遊到翠微醜壇風吟杏花稀碧桃為我傳消息何事人間去不歸許大夫妻聞祖師將上昇苦求隨行祖師以詔使告合從昇天人數已有定命難德其請故預期使之出輪雖覆車而歸已無及矣今人時有見之者

詩曰

祖師拔宅妙昇天 運米車翻步不前
玄詔謂何無分際 善功知是未完全
鶴駕已返雲霄去 夫婦空悲泣涕漣

雖即未該飛舉數 西山但隱地行仙

胡詹化

胡詹二王者旌陽縣二吏錄也世不知其名
祖師棄官還山且久二吏思慕感德捨家而
來願服役終身祖師憫其誠意而知分不應
仙俾沒後為神立祠於福地東南高峯作鎮
水口永享血食焉

詩曰

旌陽歸騎已駸駸 吏錄難忘德意深
辭職隨師常竭力 棄家奉道盡誠心
執鞭責得聞言教 進履欣從聽咳音
可惜登仙無夙分 為神血食到于今

胡師化

天師姓胡名惠超字拔俗不知何許人也人
莫知其年紀唐高宗上元間來自廬山棲於
豫章西山之洪井永淳中幅巾布褐徒行負
杖至游惟觀見同輩手不執板擊琴而已美
鬚眉體貌瓌偉類四十歲人身不甚長然每
處稠人中其首獨出其上雖至長者止及其
肩故時稱胡長仙人問其年幾何曰五十二

歲逾數十載問之亦復云然至論晉宋已來

治亂興廢纖毫不差喜談晉司空張觀文博
物如其友或云許吳二君嘗授其延生鍊化
超三元九紀之道能徵召神靈驅奮雷雨至
陶弘景校茅山華陽洞太清經七十卷天師
亦預焉背縫垂朱書其姓名覽者皆見之又
曰吾嘗到此客於時母用是不知為何代人
物也每路逢暴骨遺骸悉埋之地有古物寶
器掘之如其言而獲聞邪怪之物疾之如寇
讎即務剪除之時豫章西門有樟木精為獨
足神大興怪異邀人淫祀天師一見叱罵書
符禁制即命斬伐積薪灌油以火焚燬妖祟
遂滅以地為觀者名作果今額天慶即玄妙
昔游惟觀唐初嘗荒廢因問主觀胡不修葺
谷以之材力天師奮然而往不逾月以木棧
至高安樟木江口距觀九十里命棧人緊繫
縛各就宿江岸曉暮飛墨符一道中夜烈風
雷雨比明棧已在壇下矣凌林嶺谷所當之
路林木披靡摧折又於山下發一窖出錢三
百十為工役之須應殿宇非人所居者皆役

鬼神為之門外鑿三井以辟火災俗號禁火

井故至今永無火災夫久之異迹顯著天后
以蒲輪召之天師深隱巖谷州縣搜求之急
不得已而出至都引見武成殿后臨問仙事
天師止陳道德帝王治化之源后大喜又欲
留於都下委以錄丹之事天師辭請還山修
鍊勅遣使齎金帛送歸行次單父賜福曰先
生道位高尚早出塵俗如軒曆之廣成漢朝
之河上遂能不遠千里來赴三川日御先開
望霓裳之漸速天津後渡瞻鶴蓋以方騰選
晴風雲惆悵無已儻蒙九轉之餘希遺一丸
之藥天師乃於洪崖先生古壇際鍊丹首尾
三年降詔趨召詣闕至則館于禁中天師辭
歸因留不許天師一朝遁去上聞歎恨久之
遣使齎贖甚厚兼贈詩一篇云高人協高志
山脈往山家迢迢聞風月去去隔煙霞碧岫
窺玄洞玉竈鍊丹砂今日星津上延首望靈
樞天師歸西山居于野母靖觀有三清中門
祖師橫堂皆鬼工所造平柱眠枋疊至脊斷
削之工人弗可侔至極立不斜堅固不朽非

人可及標牌親題大周年號筆力道勁又自寫其真於後殿之壁其居西山人皆師事之千里之內無疫厲水旱之災無猛鷲天折之苦遠近賴焉長安三年二月十六日命弟子於游惟觀之西址伏龍崗造墳藏太玄真符

二七星神劍靈寶策杖各一三日而訖天師正水冠坐繩床異香滿室空中雲鶴鳴外人馬之聲紛紛不絕視之已解蛇矣州具以聞賜錢帛修齋醮諡曰洞真先生姑蘇先生司馬禎撰牌具載詳悉世遠真壁將頽有一雲水道士至以版木模寫之儼然復前狀越夕而壁倒道士亦不知所往門以政和六年奉旨重造始撤去今惟真版存焉

詩曰

凜然脩質氣剛雄 法術精通喜著功
向曲校經存寶藏 旌陽授道載妖兜
靈丹九鍊因天后 古觀重修役鬼工
德備龍崗藏劍杖 一朝解脫脫塵籠

西山許真君八十五化錄卷下

學仙之難自古而然仙何難學馬子不觀是傳乎西山群真皆胎仙肉質非與人異若云其難則西山無昇舉之仙矣夫難與不難之分皆在人心自勤自息耳勤者不難怠者自為難且許真君詩傳纂化刊梓

閱五七年或張或李左推右托人莫肯了斯事適者寶林信士宋道昇見其蹉跎恐一日復一日湮沒無傳特以大道心圓成盛事咄嗟而就何其難哉觀物之成否知仙之難易無怪乎不可學實在乎人心可

否歟故先輩云盡物理則道通云淳祐十稔中元日勇悟真人施岑再識

旌陽許真君飛昇之後千有餘載迄今民攸賴焉有禱則應無感不通有神陰相歟今歲中元之夕元明炷香於四聖堂恍惚

有神告云翌日獻書人至猶謂為茫然越宿忽承江淮隱士賈君守澄自石城來敬瞻禮真君聖蹟又出旌陽八十五化詩傳拜而誦詠乃觀西山施真人所述之詩默與神告感謝弗已昇堂鳴鼓舉白大眾教

以所賜詩傳真子寶藏永久其傳上堂幾語茲不結錄繼而賈君了心雲水之興元明乃直書傳後記云歲在丁未七月十八日靈寶大師管內都道正知通進山玉隆萬壽宮孫元明頓首拜書

西山許真君八十五化錄